



The Open
University
Y Brifysgol
Agored

WALES CYMRU

Rita



Rydw i'n credu fy mod i bellach wedi nodi beth rydw i eisiau ei wneud o ganlyniad i astudio'r cwrs hwn. Hoffwn geisio symud cwrs cyfan ar-lein, yr wyf yn ei addysgu mewn ystafell ddosbarth ar hyn o bryd. Rydw i'n addysgu'r cwrs hwn i un garfan, deirgwaith yr wythnos, am awr bob tro, am 12 wythnos.

Mae gan bob un o'm dysgwyr fynediad at y rhyngwyd gartref. Rydw i'n gwybod bod llawer ohonyn nhw'n teithio dim ond i fynychu fy nosbarth i ar ddydd Gwener, ac wedyn yn teithio adref eto, felly dylai symud ar-lein eu helpu nhw.

Hoffwn i aildrefnu fy neunyddiau addysgu ar gyfer y cwrs hwn, er mwyn i mi allu rhoi cynnig ar ddefnyddio dull 'dysgu gwrthdro'. Rydw i'n gallu gweld y bydd angen i mi gael cyfuniad o weithgareddau cydamserol ac anghydamserol.

Yn yr achos penodol hwn, dydw i ddim wir eisiau rhoi cynnig ar ddull 'dysgu cyfunol' - rydw i eisiau symud y cwrs cyfan ar-lein. Gallai fod yn dipyn o gamp, ond rydw i'n gallu gweld manteision mawr iawn i wneud hynny na fyddant efallai'n cael eu gwireddu pe bai'r cwrs yn rhannol ar-lein yn unig.

Rydw i wedi siarad am hyn ychydig bach gyda'm cydweithwyr a'm rheolwr llinell. Maen nhw'n cytuno bod hyn yn syniad da, a bydd rhywfaint o gymorth ar gael, ond fy lle i mewn gwirionedd yw datrys sut i wneud i hyn weithio'n dda.

Mae fy nysgwyr wedi'u cymell tipyn yn barod, gan fod hwn yn gwrs mae angen iddyn nhw lwyddo ynddo er mwyn cymryd cam tuag at gymhwyso ar gyfer yr yrfa maen nhw eisiau ei dilyn, felly gobeithio y byddan nhw'n fy nghefnogi ac yn garedig os na fydd rhywbeth yn gweithio'r tro cyntaf yn y ffordd rydw i am iddo weithio.

Ond syniad yn unig sydd gen i ar hyn o bryd. Mae angen i mi gael mwy o wybodaeth i fod yn hyderus am yr hyn rydw i'n bwriadu ei wneud. Mae gen i rai syniadau, ond

dydw i ddim wir yn gwybod pa offer y gallwn ei ddefnyddio i wneud i hyn ddigwydd.
Felly... wela' i chi yn Wythnos 2!